



Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana , donijela je

**PRIJEDLOG**

**ODLUKU**

**O VERIFIKACIJI ODLUKE O DODJELI PLAKETE KANTONA SARAJEVO**

**I**

Skupština Kantona Sarajevo verifikuje Odluku o dodjeli Plakete Kantona Sarajevo, **Gorskoj službi spašavanja Kantona Sarajevo**, kao priznanje za izuzetnu hrabrost, profesionalizam, doprinos i nesebičnu podršku u spašavanju ljudskih života i materijalnih dobara na području Kantona Sarajevo i Bosne i Hercegovine, ali i van države Bosne i Hercegovine.

**II**

Ova odluka objavit će se u “Službenim novinama Kantona Sarajevo”.

Broj:

**SARAJEVO**

**PREDSJEDAVAJUĆI  
SKUPŠTINE KANTONA SARAJEVO**

**Elvedin Okerić**



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax: + 387 (0) 33 562-210  
Sarajevo, Reisa Džemaludina Čauševića 1

7/16



Bosnia and Herzegovina  
Federation of Bosnia and Herzegovina  
**CANTON SARAJEVO  
ASSEMBLY**

**Odbor za javna priznanja  
Kantona Sarajevo**

Broj:01-04-4176-5/25  
Sarajevo, 03.04.2025.godine

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 03.04.2025.godine, donio je jednoglasno

**ODLUKU  
O DODJELI PLAKETE  
KANTONA SARAJEVO**

**I**


**Gorskoj službi spašavanja Kantona Sarajevo**, dodjeljuje se Plaketa Kantona Sarajevo kao priznanje za izuzetnu hrabrost, profesionalizam, doprinos i nesebičnu podršku u spašavanju ljudskih života i materijalnih dobara na području Kantona Sarajevo i Bosne i Hercegovine, ali i van države Bosne i Hercegovine.

**II**

Ova odluka dostavlja se Skupštini Kantona Sarajevo na verifikaciju.

**PREDSJEDAVAJUĆI ODBORA**

**Elvedin Okerić**



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055  
Fax: + 387 (0) 33 562-210  
Sarajevo, Reisa Džemaludina Čauševića 1

**KANTON SARAJEVO**

**SKUPŠTINA KANTONA SARAJEVO**

**Danijela Kristić – Zastupnica u Skupštini KS**

**Arijana Memić – Zastupnica u Skupštini KS**

**Odbor za javna priznanja Kantona Sarajevo**

**Ul. Reisa Dž.Čauševića br.1, Sarajevo**

**n/r Sekretar Skupštine Kantona Sarajevo**

**Inicijativa za dodjelu javnog priznanja Kantona Sarajevo za PLAKETU KANTONA SARAJEVO**

Poštovani...

Imamo čast i zadovoljstvo predložiti da se Gorskoj službi spašavanja Kantona Sarajevo dodijeli PLAKETA KANTONA SARAJEVO, u znak priznanja za izuzetnu hrabrost, posvećenost i doprinos u pružanju pomoći građanima i spašavanju njihovih života.

Članovi Gorske službe spašavanja Kantona Sarajevo, svakodnevno, u izuzetno izazovnim i opasnim uslovima, pružaju pomoć onima kojima je najpotrebnija. Njihova nesebična posvećenost, stručnost i hrabrost, posebno u planinskim i nepristupačnim područjima, spasile su mnoge živote.

Tokom godina, Gorska služba spašavanja Kantona Sarajevo pokazala je izuzetnu spremnost i profesionalizam u kriznim situacijama, uključujući spašavanje osoba iz planinskih predijela, rijeka, u vremenskim nepogodama i tokom drugih vanrednih situacija. Njihova oprema, kao i obuka, omogućavaju im da odgovore na najteže izazove sa visokim nivoom efikasnosti.

Nekoliko ključnih trenutaka u kojima je Gorska služba Kantona Sarajevo spašavanja pokazala svoju izuzetnu efikasnost i hrabrost uključuju intervencije u Turskoj tokom katastrofalnog zemljotresa 2023. godine, kada su, zajedno sa međunarodnim timovima, učestvovali u spašavanju života u razorenim područjima. Njihov angažman u Turskoj nije samo pokazao visok nivo obučenosti i stručnosti, već i solidarnost i međusobnu podršku u vremenima katastrofe.

Gorska služba spašavanja Kantona Sarajevo dala je značajan doprinos spasilačkim akcijama, riskirajući vlastite živote kako bi pomogli onima kojima je najpotrebnija pomoć. Također, njihov angažman u Jablanici tokom poplava još je jedan primjer njihove hrabrosti i posvećenosti. Gorska služba spašavanja Kantona Sarajevo je redovno na terenu, spremna da interveniše u najtežim uslovima i pruži pomoć najugroženijima.

Od prvog trenutka kad su ih pozvali na teren, pa do pronalaženja tijela tragično nastradalog meteorologa na Bjelašnici, spasioci Gorske službe spašavanja Kantona Sarajevo su bili angažovani.

Četiri teška dana, po mećavi, izloženi udarima vjetrova, gustoj magli i opasnostima koje vladaju na planini, nisu odustajali dok nisu pronašli unesrećenog.

S obzirom na sve gore navedeno, smatramo da je Gorska služba spašavanja Kantona Sarajevo zaslužila ovu plaketu, koja će biti i motivacija za njihov budući angažman.

Dodjela plakete Gorskoj službi spašavanja Kantona Sarajevo bila bi simboličan način da se prepozna njihov izuzetni rad i doprinos sigurnosti zajednice, te pruži priznanje svakom pojedincu koji je dio ove herojske organizacije.

Sarajevo, 14.03.2025.g

**Zastupnice u Skupštini KS**

**Danijela Kristić**

**Arijana Memić**